

四庫全書

史部

欽定四庫全書

史部

御批歷代通鑑輯覽卷九十四

詳校官侍講臣王燕緒

編修臣裴謙覆勘

總校官進士臣程嘉謨

校對官編修臣朱紱

謄錄監生臣彭邦經

欽定四庫全書

御批歷代通鑑輯覽卷九十四

宋

慶宗皇帝

咸亨五年

蒙古至元六年

春正月

以李庭芝為兩淮制置大

使時揚州新遭火公私蕭然庭芝以制置兼知揚州

初至官即放民負鹽二百餘萬又鑿河四十里入金

沙餘慶場

今江南通州金匱揚東有河下達鹽運河入海即李庭芝所鑿

以省車運

始平山堂

註見前

瞰揚城敵至則構望樓其上張弓弩

以射城中庭芝大築城包之募汴南流民二萬餘人

以實之號武銳軍修學賑饑民德之如父母

葉夢鼎上疏乞致仕不待報而去

夢鼎扼于賈似道不得行乃引杜衍故事致仕單車

宵遁詔判福州夢鼎不拜

蒙古遣史天澤益兵圍襄陽

蒙古括諸路兵以益襄陽之師遣史天澤與宗王大

大臣進退當以禮自處非是則無以閭臣分乃求之士大夫習染相沿在位稍不得志往往不待報而行或遂遁去姑無論其

人之賢否而乖
君臣大體一節
已不可問況夢
鴻視國勢傾危
竟滿然然長往
直是為避禍苟
全之計更不止
僅圖自了矣

臣往經畫之天澤至呂文煥遣使餉以鹽茗天澤築

長圍起萬山

在襄陽西北一名漢皋山襄陽記即鄭交甫見玉女處

包百丈山

在襄

陽今南北不相通又築峴山虎頭山為一字城聯亘

諸堡以立久駐必取之基

蒙古阿哈瑪特請罷御史臺及諸道提刑司蒙古主不

許

阿哈瑪特專總財賦以新立憲臺言于蒙古主曰廢
務責成各路錢穀付之轉運必繩治之事何由辦廉

希憲曰立臺察內則彈劾姦邪外則察視非常訪求
民瘼裨益國政無大于此者如阿哈瑪特所言必使
上下專恣貪暴公行然後可集事邪阿哈瑪特語塞
乃止

二月蒙古行新字加號西僧帕克斯巴為大寶法王
蒙古主命帕克斯巴創蒙古新字頒行諸路譯寫一
切文字更號帕克斯巴為大寶法王

三月蒙古軍圍樊遂城鹿門京湖都統張世傑

范陽人將

兵拒之戰于赤灘園

在襄陽縣東南漢江上

敗績

世傑柔之從子從柔戍杞有罪來奔阮思聰見而奇

之言于呂文德文德召置麾下累功至都統制

以江萬里馬廷鸞

字翔仲饒州樂平人

為左右丞相兼樞密使

廷鸞每見文法益密功賞稽遲將校不出死力于邊

聞升辟稍越拘攣以道頗疑異已黥堂吏以泄其憤

秋七月夏貴襲蒙古阿珠于新城敗績

新城續綱目作新郢考輿志新

郢城在德安府鍾祥縣西南宋宋築為戍守處新城在襄陽縣東南元改襄陽時築以絕宋糧援兩城相去蓋

數百里夏貴赴援至襄陽城下則已踰新郢而西不得
云襲新郢也且續綱目于目中明云貴趣新城而提綱
乃書新郢抵牾
殊甚今特改書

詔以貴為沿江制置副使援襄樊貴乘春水漲輕兵
部糧至襄陽城下懼蒙古軍掩襲僅能與呂文煥交
語而還及秋大霖雨漢水溢貴分遣舟師出沒東岸
林谷間阿珠謂諸將曰此虛形不可與戰宜整舟師
以備新城舊志元圍襄陽分築
十城新城其一也明日貴舟果趣新城
至虎尾洲在襄陽
縣南為阿珠所敗士卒溺漢水死者甚

衆范文虎復以舟師援貴至灌子灘

在襄陽縣鹿門山南漢江西岸

亦為阿珠所敗文虎以輕舟遁

八月高麗林衍廢其主植而立安慶公渴

植之弟

冬十月

蒙古遣兵討之

蒙古主以衍廢立命趙壁行省東京聚兵平壤往問

其罪已而壁至東京會衍已死乃請于蒙古主以兵

衛植復國誅衍之子及其親屬

未幾衍黨復集餘衆立植庶族為王竄入

海島踰年

始討平之

十二月呂文德卒以范文虎為殿前副都指揮使

文德以許蒙古置權場為恨每曰誤國家者我也因疽發背乞致仕詔授少師封衛國公卒賈似道以其壻范文虎總禁兵

庚午六年

蒙古至元七年

春正月以李庭芝為京湖制置大使

督師援襄樊

時夏貴范文虎相繼大敗及聞庭芝至文虎遺書賈似道曰吾持兵數萬入襄陽一戰可平但願無使聽

命于京闈事成則功歸恩相笑似道即命文虎之兵
從中制之庭芝屢約進兵文虎但與妓妾嬖倖擊鞠
飲宴為樂以取旨未至為辭

起復孫虎臣為淮東安撫副使

江萬里罷

萬里以襄樊為憂屢請益師往救賈似道不答萬里
遂力求去出知福州

蒙古廉希憲罷

純臣事上功過
皆無可掩飾固
不可懷倖免之
心亦豈宜存分

希憲立朝儻正有內侍入朝堂傳旨言某事當爾希
憲曰此闕宦預政之漸不可啟也入奏杖之蒙古主
常令希憲受帝師戒希憲對曰臣受孔子戒矣蒙古
主曰汝孔子亦有戒邪對曰為臣當忠為子當孝如
是而已時詔釋大都囚西域人孺智密廸音舊作匿
贊馬丁
今改為怨家所訴繫獄亦被原免蒙古主自開平還怨
家復訴之時希憲在告實不預其事乃取堂判補署
之曰天威不測豈可幸其獨不署以苟免邪遂與左

謗之見廉希憲
當西域人繫獄
被原時本未預
聞無妨置身事
外顧補署堂判
自求罷斥矯情
干譽殊無足取
又豈人臣勿欺
之義乎

丞相耶律鑄俱罷

蒙古主嘗問侍臣希憲居家何為
阿哈瑪曰日與妻妾宴樂耳帝曰

希憲清貧何從宴
設阿哈瑪愧而退

以陳宗禮

字立之淳祐進士

簽書樞密院事

宮中飲宴名曰排當理宗朝排當之禮多內侍自為

之一有排當則必有私事密啟帝即位益盛至出內

帑為之宗禮為給事中嘗上疏言內侍用心非借排

當以侵羨餘則假秩筵以奉殷勤不知費幾州汙血

之勞而供一夕笙歌之樂請禁絕之不報及是拜簽

樞未幾卒

蒙古主立尚書省以阿哈瑪特平章政事

阿哈瑪特為人多智巧言以功利自效蒙古主急于富國試以行事頗有成績因竒其材授以政柄言無不從而不知其專愎益甚既立尚書省以為平章政事

三月庚子朔日食

蒙古以許衡為中書左丞衡固辭不許

衡被徵入朝與姚樞等詳定禮儀時阿哈瑪特勢傾中外一時大臣多阿附之衡每與議必正言不少讓已而其子呼遜舊作忽
辛今改有同簽樞密院之命衡獨執奏曰國家事權兵民財三者而已父典民與財子又典兵不可蒙古主曰卿慮其反邪衡對曰彼雖不反此反道也帝以語阿哈瑪特由是怨衡亟薦衡為左丞欲因以事中之衡屢入辭免蒙古主不許

夏四月罷直學士院文天祥

賈似道以去要君帝勉留益堅命學士降詔天祥當制時內制相承必先呈稿于相天祥不從似道意不滿諷別院改作天祥援楊億故事亟求解職遷秘書監似道使臺官張志立劾罷之

秋八月詔賈似道十日一朝入朝不拜

似道屢稱疾求去帝至涕泣留之不從詔六日一朝一月兩赴經筵尋又詔入朝不拜朝退帝亦起避席目送之出殿庭始坐繼復詔十日一朝時襄樊圍急

襄陽受圍三載
似道墮于上聞
及度宗知而相
詰似道不引罪
自責輒敢究所
從來誣置女嬪
于死後此景靈
成禮復以胡顯

似道日坐葛嶺起樓閣亭榭作半閒堂延羽流塑已像其中

取宮人葉氏及娼尼有美色者為妾日肆淫樂與故博徒縱博

人無敢窺其第者

有妻兄來立府門若將入狀似道見之縛
投火中嘗與羣妾踞地聞蟋蟀所狎客戲

之曰此軍國重事邪酷嗜寶玩建多寶閣一日一登
玩聞余玠有五帶求之已徇葬矣發其塚取之人有

物求不與
輒得罪自是或累月不朝雖朝享景靈宮亦不從

駕有言邊事者輒加貶斥一日帝問曰襄陽之圍已

三年矣奈何似道對曰北兵已退陛下何從得此言

帝曰有女嬪言之似道詰其人誣以他事賜死由是

祖却恪之請遷怒責嬭度宗皆

莫可如何其視

漢獻幾無以異

而似道之挾持

震主校曹操奸

惡亦不甚相遠

正不獨據位要

君怙修專擅之

罪而已

邊事雖日急無敢言者

冬十月詔范文虎總中外諸軍救襄陽

十一月蒙古城萬山

張弘範

字仲疇柔
第九子

軍于鹿門以斷官軍糧道及郢復

之援言于史天澤曰今規取襄陽周于圍而緩于攻

者計待其自斃也然夏貴乘江漲送衣糧入城我無

禦之者而江陵歸峽行旅休卒道出襄陽南者相繼

也寧有自斃之時乎若築萬山以斷其西立柵灌子

灘以絕其東則廢幾斃之之道也天澤從之遂築萬山徙弘範軍馬自是襄樊道絕

辛未七年

蒙古至元八年十一月改國號曰元

春二月大饑

是歲淮浙江西皆饑命官賑貸知撫州黃震

字東發
慈谿人

大書閉糶者籍彊糶者斬不抑米價勸分有方全活甚衆

夏五月蒙古兵分道侵嘉定諸路

蒙古詔東道兵圍襄陽各道宜進兵以牽制之于是

秦蜀行省平章政事賽音諤德齊沙木斯昂

一名烏瑪喇回

回人舊作賽典赤膽思丁烏瑪喇舊作烏馬兒今改後倣此

率諸將水陸並進鄭

昂

澤州陽城人

出嘉定汪良臣出重慶札喇布哈

舊作札喇不花

今改後倣此

出瀘州所至順流縱筏斷浮橋獲將卒戰艦

甚衆

六月范文虎帥師至鹿門而遁李庭芝自劾請代不許

時漢水溢丈虎不得已將衛卒及兩淮舟師十萬進

至鹿門阿珠夾江東西為陣別令一軍趨會丹灘

在襄

衡以論阿哈瑪
特請解機務故
不復舉人恐其
嫌于樹黨耳其
謂用人天子大
柄當斷自宸衷
所見誠是至云
以位舉人恐聞

陽縣東南犯其前鋒諸將順流鼓譟文虎軍逆戰不利棄
旗鼓鎧仗乘夜遁去蒙古俘其軍獲戰船甲仗不可
勝計

蒙古以許衡為集賢大學士兼國子祭酒

衡疏論阿哈瑪特專權罔上蠹政害民諸事不報因
謝病請解機務蒙古主不許且命舉自代者衡奏曰
用人天子之大柄臣下汎論其賢否則可若授之以
位則斷自宸衷不可使臣下有市恩之漸乃拜衡集

市恩之漸尚未
能盡當于理夫
人臣事君惟當
于公私之辨受
爵公朝拜恩私
室黨授門戶之
惡習其端固不
可開至若蕭何
之與曹參羊祜
之與杜預舉賢
為國要自無傷
公正苟其心稍
涉于私即汎論
賢否亦難保其
不隱為市恩之
地惟在君人者

賢大學士兼國子祭酒即燕京南城舊樞密院設學

衡開命喜曰此吾事也因請徵其弟子王梓耶律有

尚

字伯強遼東丹王
十世孫家東平

姚燧

字端甫樞
之從子

等十二人為齋

長時所選弟子皆幼穉衡待之如成人愛之如子出

入進退其嚴如君臣其為教因覺以明善因善以開

蔽課誦少暇即習禮或習書算少者即令習拜跪揖

讓進退應對或射或投壺負者罰讀書若干遍久之

諸生人人自得尊師敬業下至童子亦知三綱五常

慎擇是非權不
旁假斯不致有
流弊耳

為生人之道

秋八月壬辰朔日食

九月蒙古弛四川茶鹽之禁

蒙古主以四川民力困弊詔免茶鹽等課以軍民田
租給軍食仍敕有司有言茶鹽之利者以違制論

冬十一月蒙古改國號曰元

取易乾元之義從太保劉秉忠請也

十二月初置士籍

賈似道欲制東南士心乃令御史陳伯大請置士籍
開具鄉里姓名年甲三代妻室令鄉鄰結勘于科舉
條制無礙方許納卷又嚴後省覆試法比較中省元
卷字跡稍異者黜之

壬申八年

元至元九年

春正月元罷尚書省

考元史百官志至元七年置尚書省

及八年併入中書二十四年復置二十九年又罷其後
至武宗至大二年再立尚書省四年復罷今並注于此
後因事附
見不具書

阿哈瑪特仍平章中書省事

夏五月李庭芝使統制張順張貴將兵救襄陽與元軍戰敗績皆死之

襄陽被圍五年援兵不至至是詔李庭芝移屯郢州

庭芝偵知襄陽西北一水曰清泥河源于均房

河自襄陽

西北東流入漢三國蜀志樂進在清泥以兵相拒即此

即其地造輕舟百艘以

三舟聯為一舫中一舟裝載左右舟則虛其底而掩覆之出重賞募死士得襄郢山西民兵之驍悍善戰者三千人求將得民兵部轄張順張貴俱智勇素為

諸將所服俾為都統號貴曰矮張順曰竹園張出令曰此行有死而已汝輩或非本心宜亟去毋敗吾事

人人感憤漢水方生乘順流發舟百艘稍進團山

注見

前下又進高頭港口

在團山南

結方陣夜漏下三刻出江

以紅燈為號貴先登順殿之乘風破浪徑犯重圍元兵布舟蔽江無隙可入順等乘銳轉戰元兵皆披靡黎明抵襄陽城下城中久絕援聞順等至踴躍過望勇氣百倍及收軍獨失順越數日有浮屍遡流而上

二張奮身冒險
直達重圍其忠
勇誠為可尚但
所云募士持蠟
書求援襄郢相
距尚遠所募二
人即素狎波濤
豈能于水中數
日不食况元兵
既列格連數十
里魚蝦尚不能
度其容比可知
無論水底携鋸
難施且鋸一本

被甲冑執弓矢直抵浮梁視之則順也身中四鎗六
箭怒氣勃勃如生諸軍驚以為神結塚歛葬之貴入
襄陽文煥固留共守貴恃其驍勇欲還郢乃募二士
能伏水中數日不食持蠟書赴范文虎于郢求援元
兵增守益密水路連鎖數十里列撒星椿雖魚蝦不
得度二人遇椿即鋸斷之竟達郢還報許發兵五千
駐龍尾洲在襄陽縣東南漢江下以助夾擊刻日既定乃別文
煥東下點視所部軍泊登舟帳前一人亡去乃有過

非咄嗟可了而
據鋸水中斷樁
浮上又寧不為
偵候者所知揆
之于理實不可
信此不過欲張
大貴順之事遂
從而附益之史
家承其謬誤亦
未加深察耳

被捷者貴驚曰吾事泄矣亟行彼或未及知復不能
銜枚隱迹乃舉砲鼓譟發舟乘夜順流斷絙破圍冒
進元兵皆辟易既出險地夜半天黑至小新城阿珠
劉整分艤戰艦邀擊以死拒戰沿岸束荻列炬火光
燭天如白晝漸近龍尾洲遙望軍船旗幟紛披貴兵
以為郢兵來會喜躍而進舉流星火示之軍船見火
即前迎及勢近欲合則來舟皆元軍也蓋郢兵前二
日以風水驚疑退屯三十里而元兵得逃卒之報先

據龍尾洲以逸待勞貴與戰而困且出于不意所部
殺傷殆盡貴身被數十創力不能支遂被執見阿珠
欲降之貴誓不屈乃見殺元令降卒四人舁貴屍至
襄陽城下曰識矮張都統乎此是也守陴者皆哭城
中喪氣文煥斬四卒以貴祔葬順塚立雙廟祀之
六月竄資政殿大學士皮龍榮于衡州道卒

龍榮舊宮僚也知賈似道忌之家居杜門不預人事
一日帝偶問龍榮安在似道恐其召用陰諷湖南提

刑李雷應誣劾以事徙衡州居住龍榮恐不為雷應
所容未至飲藥卒

秋八月丙戌朔日食

九月有事于明堂大雨帝還宮賈似道去位詔出貴嬪
胡氏為尼似道乃還

祀明堂似道為大禮使禮成辛景靈宮將還遇大雨
似道期帝雨止升輅胡貴嬪之兄顯祖為帶御器械
請如開禧故事却輅乘逍遙輦還宮帝曰平章得無

不可顯祖紹曰平章已允帝遂歸似道大怒曰臣為
大禮使陛下舉動不得預聞乞罷政即日出嘉會門
帝固留之不得乃罷顯祖涕泣出貴嬪為尼似道始
還似道專恣日甚畏人議已務以權術駕馭不愛官
爵牢籠一時名士以故言路斷絕威福肆行相視以
目

冬十一月馬廷鸞罷

廷鸞托于賈似道力辭相位乃授觀文殿大學士知

饒州入辭帝惻怛久之曰丞相勉為朕留廷鸞對曰臣死亡無日恐不得再見君父然國事方殷彊圉孔棘天下安危人主不知國家利害羣臣不知陛下與元老大臣惟懷永圖臣死且瞑目泣拜而出

遣使入元封劉整為燕王元執使者殺之

劉整叛降之初元人即信而委任之何至此時始患為元用況整既隳節昧心豈復縈懷宋室而其雄狡之性于宋元強弱勝

朝廷患劉整為元用詔以整為盧龍軍節度使封燕郡王遣永寧人賁告身及金印牙符期致之整既入元事覺整自軍中入見元主曰此宋患臣用兵襄陽

負大局籌之已
深斷不肯為虛
名所餌即欲藉
此離間亦無隙
可乘徒令詔使
被戕見笑敵國
可謂拙于謀矣

欲以此殺臣耳元主詔磔其人于市且移書來責執政

十二月召葉夢鼎入相固辭不至

詔加夢鼎少傅入相夢鼎引疾力辭使者相繼促行

扶病至嵯縣

本漢剡縣宋改名今縣屬紹興府

疏奏願上厲精寡欲

規當國者收人心固邦本扁舟徑還使者以禍福告

夢鼎曰廉耻事大死生事小萬無可回之理賈似道

大怒乃令致仕

癸酉九年

元至元十年

春正月樊城陷守將范天順

文虎之姪

牛富

霍邱人死之

樊被圍四年范天順牛富力戰不為衄富又數射書
襄陽城中期呂文煥相與固守為唇齒初襄樊兩城
漢水出其間文煥植木江中鑱以鐵絙上造浮橋以
通援兵樊亦恃此為固至是阿珠以機鋸斷木以斧
斷絙燔其橋襄兵不能援乃以兵截江而出銳師薄
樊城遂破天順仰天嘆曰生為宋臣死為宋鬼即

所守處縊死富率死士百人巷戰元兵死傷者不可
計渴飲血水轉戰而進遇民居燒絕街道富身被重
傷以頭觸柱赴火死裨將王福見富死歎曰將軍死
國事吾豈宜獨生亦赴火死

二月呂文煥以襄陽叛降元

襄陽久困援絕撤屋為薪緝闕會為衣文煥每一巡
城南望慟哭而後下告急于朝賈似道累上書請行
邊而陰使臺諫上章留己樊城既陷復申請之事下

公卿雜議監察御史陳堅等以為帥臣出顧襄未必能及淮顧淮未必能及襄不若居中以運天下帝從

之

時羣臣多言高達可援襄陽者御史李旺入言于似道似道曰吾用達如呂氏何旺出歎曰呂氏安

則趙氏危矣文煥聞達且至亦不樂以語其客客曰易耳今朝廷以襄急故遣達吾以捷聞則達必不成遣矣文煥大以為然會獲元哨騎數十人文煥即謬以大捷奏然不知朝中實無援襄事也先是

阿爾哈雅

輝和爾人舊作阿里海涯今改

攻樊城得西域人所獻新

礮法遂破外郭至是移向襄陽一礮中其譙樓聲如

震雷城中洶洶諸將多踰城降者阿爾哈雅乃身至

城下宣元主所降招諭文煥詔曰爾等拒守孤城于
今五年宣力爾主固其宜也然勢窮援絕如數萬生
靈何若能納款悉赦勿治且加遷擢文煥狐疑未決
因折矢與之誓文煥乃出降阿珠入襄陽阿爾哈雅
遂偕文煥朝燕元主以文煥為襄漢大都督事聞似
道言于帝曰臣始屢請行邊陛下不之許向使早聽
臣出當不至此

文煥兄知廬州文福文德子知靖江府師夔俱上表待罪似道庇之詔皆

不問

三月詔城清口

注見前

元之覆宋也專力荆湖追襲楚舉而藩籬去險固失破竹之勢已成淮東諸路之師時以牽制宋兵使腹背受敵耳非必欲築堡堅壘為曠日持久計也況清口桃源之策整當時即有是言何至將軍中書帙密稿付吏人

劉整故吏羅鑑自北復還上整書稿一帙于四川制

司有取江南二策其一言先取全蜀蜀平江南可定

其二言清口桃源河淮皆要衝宜先城其地屯山東

軍以圖進取帝亟詔淮東制司往清口擇利地築城

備之

置清河軍元改縣今縣屬淮安府

置機速房子中書

襄城既失賈似道復上書言事勢如此非臣上下驅

之手使得宣洩
于外乎至蜀平
江南可定之言
尤衆所共見不
待贅言者宋人
不惟不燭其詐
且傾信之而遽
加興繕所見何
異孩聽哉

馳聯絡氣勢將有大可慮者帝曰師相豈可一日離
左右似道乃建機速房以革樞密院漏泄兵事稽遲
邊報之弊尋詔中外大小臣僚有才識超卓明控御
之宜懷攻守之畧者密具以聞四川宣撫司參議官
張夢發陳危急三策曰鑠漢江口岸曰城荆門軍當
陽界之玉泉山在安陸府當陽縣西亦名覆船山曰峽州宜都而下
聯署堡砦以保聚流民且守且耕並圖上城築形勢
似道不以上聞下京湖制司審度可否事竟不行

元主立其子珍戩為太子

珍戩為元主之長子初封燕王守中書令兼判樞密

院事劉秉忠薦中山王恂

字敬甫唐縣人

以輔之元主以為

太子贊善珍戩問恂以心之所守恂曰嘗聞許衡之

言人心猶印板然板本不差雖摹千萬本皆不差本

既差矣摹之于紙無不差者珍戩曰善至是立為皇

太子

李庭芝免夏四月以汪立信為京湖制置使趙潛

字元葵

子為沿江制置使

立信兼知江陵潛兼建康留守潛多獻寶玉于似道
故有是命

六月降范文虎一官職任如故竄俞興子大忠于循州

註見
前

給事中陳宜中言襄樊之失皆由范文虎怯懦逃遁

乞斬之賈似道不許止降一官監察御史陳文龍

字君

貴福州興化人言文虎失襄陽猶使知安慶府是當罰而賞

也趙潛乳臭小子何足以當大閫之寄請皆罷之似
道大怒黜文龍知撫州旋又使臺官季可劾退之汪
立信言臣奉命分閫延見吏民皆痛哭流涕言襄樊
之禍皆由范文虎俞興父子文虎以三衙長閫難怯
戰僅從薄罰興奴隸庸才務復私怨激叛劉整流毒
至今其子大忠挾多資為父行賄且自希進今雖寸
斬未足以快天下之忿乞置重典則人心興起事功
可圖詔除大忠名循州拘管

秋七月元許衡乞罷許之

衡請還懷孟元主以問翰林學士王磐磐對曰衡教人有法諸生行可從政此國之大體宜勿聽其去元主又命諸老臣議其去留竇默為衡懇請乃聽衡還劉秉忠姚樞及磐默等復請以贊善王恂攝學事衡弟子耶律有尚等為助教庶幾衡之規矩不致廢墜從之

元人城馬駿山

在重慶府合州東北

知合州張珩

字君玉鳳洲人

擊走之

劉整獻計于元欲自青居進築馬駿虎頭

亦在合州東北二

山扼三江口

嘉陵江入合州界合渠江曰嘉渠又邛州東南合涪江曰三江口以圖

合州遣統軍哈喇

舊作合喇今改

築之張珪聞哈喇至乃張

疑兵于嘉渠口潛師渡平陽灘

在合州嘉陵江中

火其資糧

器械越砦七十里焚船塢由是馬駿城築卒不就

是先

元兵入蜀珪與王堅協力拒守堅還以珪代之珪承周璆之後外以兵護農內教民墾田積粟未及再期公私兼足至是元兵既退珪言于朝請城馬駿虎頭二山或先城其一以據險要不報

冬十一月以李庭芝夏貴為淮東西制置使陳奕為沿

江制置使

庭芝兼知揚州貴兼知廬州奕兼知黃州庭芝請分
所部兩淮為二司故以淮西付貴奕以兄事賈似道
王工陳振民以求進自小官厯顯要遂掌禁兵

封子焘

帝次于全后出
焘同縣即顯字

為嘉國公

甲戌十年

元至元
十一年

春正月賈似道母死詔以鹵簿葬之遂

起復似道入朝

似道母胡氏死似道歸越治葬詔以天子鹵簿葬之

起墳擬山陵百官奉裏事立大雨中終日無敢易位者既葬詔起復之似道遂還朝

元以巴延

蒙古巴林部人舊作伯顏今改

為中書左丞相

巴延事宗王實喇于西域嘗入奏事元主見其貌偉言厲曰此非諸侯王臣遂留與議國政自右丞進左相

秋七月帝崩于嘉國公焄即位太后臨朝稱詔

帝為太子時以好內聞既立耽于酒色及是崩賈似

道入宮議所立衆以建國公昱

同正帝長子

長當立似道

主嫡乃立嘉國公昱時年四歲矣謝太后臨朝稱詔

封兄昱為吉王弟昺為

同炳度宗第三子

信王

昱母楊淑妃昺母俞修容

詔賈似道獨班起居

尊皇太后曰太皇太后皇后曰皇太后

罷京湖制置使汪立信

立信移書責賈似道

謂今天下之勢十去八九誠上下交修以延續天命之幾重惜

宋即不拘元聘
使元亦未必竟

能忘情況既因
此構釁與兵更
非禮遣所能釋
怨至此時而欲
輸幣緩師幾無
異衛莊公之許
璧求活立信所
見誠為迂濶無
當至其以選兵
屯守為上策雖
亦緩不及事然
憑江狹之險以
為固悉閭精銳
拒守未嘗不可
稍遇敵鋒而為
國獻謀言之尤

分陰以趨事赴功之日也而乃酣歌深宮嘯傲湖山
玩歲愒月緩急倒施以求當天心俯遂民物拱揖指
揮而折衝萬里不亦難乎為今日之計者其策有三
夫內郡何事多兵宜盡出之江干以實外禦算兵帳
見兵可七十餘萬人老弱柔脆十分汰二為選兵五
十餘萬人而沿江之守則不過七千里若距百里而
屯屯有守將十屯為府府有總督其尤要害處輒參
倍其兵無事則汎舟長淮往來游徼有事則東西齊
奮戰守並用刁斗相聞餽餉不絕互相應援以為聯
絡之固選宗室大臣忠良有幹用者立為統制分東
西二府以蒞治之此上策也久拘聘使無益于我徒
使敵得以為辭請禮而歸之許輸歲幣以緩師期不
一二年邊運稍休藩垣稍固生兵日增可戰可守此
中策也二策果不得行則天敗我也銜壁與襯之禮
請備似道得書大怒抵之地詬曰瞎賊狂言敢爾蓋
以俟

為無罪乃似道
遽以為狂言肆
詬罷斥旋加必
欲鉗天下之口
以坐視宗社之
亡實不知其是
何肺腑矣

立信一目微眇云尋中以危法廢斥之

以朱襖孫為
京湖制使兼

知江
陵府

八月大霖雨天目山崩

山在杭州府臨安縣西北與于
潛縣及湖州府安吉州接界元

和志山有兩峯峯頂各一
池左右相對名曰天目

水涌安吉臨安餘杭

注俱
見前

民溺死者無算

元太保劉秉忠卒

謚文
貞

秉忠自幼好學至老不衰雖位極人臣終日澹然不

異平昔至是卒元主驚悼謂左右曰秉忠事朕三十

年小心慎密不避艱險言無隱情其陰陽術數之精
占事知來若合符契惟朕知之他人不得與聞也贈
太傅趙國公

元史天澤巴延大舉南侵天澤有疾而還

元主下詔數賈似道背盟拘執信使之罪命天澤巴
延總諸道兵與阿珠阿爾哈雅呂文煥行中書省于

荆湖博爾懽

莽郭人太祖功臣鄂約達勒曾孫
舊作博羅懽莽郭舊作忙兀今改

阿爾

哈

蕪達蕪人舊作
遜都思今改

劉整達春

蒙古扎拉爾氏
舊作塔出今改

董文炳

行樞密院于淮西

兵凡二十萬

天澤至郢病篤召還

諸軍並聽

巴延節制

九月元呂文煥以巴延趨郢州劉整以博爾懽趨淮西

巴延分大軍為兩道自與阿珠由襄陽入漢濟江以

呂文煥將舟師為前鋒博爾懽由東道取揚州監淮

東兵以劉整將騎兵先行巴延一軍自分三道索多

北拉爾氏舊作唆都今改

將一軍由襄陽哨司空山

在襄陽府南漳縣西北與

鄖陽府接界

翟招討將一軍由老鴉山

在南漳縣南

徇荆

南而自與阿珠帥阿嘍罕

北拉爾氏舊作阿刺罕今改

張弘範諸

軍水陸趨郢旌旗延袤前後數百里

冬十月元巴延攻郢州張世傑力戰禦之巴延遂潛兵

入漢屠沙洋

鎮名在安陸府荊門州東南州志西魏置綠麻縣後廢今為沙洋鎮臨漢水上

新郢守將邊居誼

隨州人

死之

巴延薄郢州軍于城西時張世傑將兵屯郢郢在漢

北以石為城

郢州城即古石城今為安陸府治石城注見前

新郢在漢南橫

鐵絙鎖戰艦密植椿木水中夾以砲弩其要津皆施

杙設攻具元軍襲城世傑力戰元軍不能前遣人招

世傑不聽阿珠乃用俘者言由間道趨郢

俘言沿江九郡精銳

皆萃于二郢若舟師出其間騎兵不得護岸此危道也不若取黃家灣堡東有河口可入藤湖轉而下江僅三里已延從之拔攻黃家灣堡引諸軍盜舟由藤湖入漢黃家灣堡在鍾祥縣南藤湖在荊門州東

南

進至沙洋遣俘持黃榜檄文入城守將王虎臣王

大用斬俘焚榜文煥復至城下招之亦不應日暮風

大起已延命順風掣金汁礮焚其廬舍煙焰漲天城

遂破生擒虎臣大用餘悉屠之遂薄新城

即新城

文煥

列沙洋所誠于城下復縛大用等至壁使招降都統
邊居誼不答明日又至曰吾欲與呂參政語耳文煥
以為降已馳馬至伏弩亂發中文煥右臂并馬馬仆
幾鉤得之衆挾文煥以他馬奔走會其總制黃順副
將任寧俱出降其部曲多欲縋城出者居誼悉驅入
當門斬之文煥乃麾兵攻城居誼以火具却之旋蟻
附而上居誼度力不支拔劍自殺不殊赴火死所部
三千人猶力戰悉死焉

十一月以陸秀夫

字君實楚州鹽城人後徙鎮江

參議淮東制置司事

李庭芝在淮南聞秀夫名辟置幕下時天下稱得士多者以淮東為第一號小朝廷秀夫性沉靜不苟求人知每僚吏至閣賓主交驩秀夫獨斂焉無一語或時宴集府中矜莊終日未嘗少有希合至察其事皆治庭芝益器之雖改官不使去已

以王鏐

字仲潛一字伯晦紹興新昌人

章鑑

字公秉分寧人

為左右丞相兼樞

密使

制下鑰屢疏固辭不許尋又請毋判省院公牘亦不許

十二月元巴延攻陽邏堡

注見前

夏貴帥師拒之巴延使

阿珠襲青山磯

在武昌府江夏縣東北濱大江

遂渡江

巴延至蔡店

在漢陽府漢陽縣西今為鎮有巡司

大會諸將刻期渡江

遣人觀漢口形勢時夏貴以漢鄂舟師分據要害王

達守陽邏堡朱禩孫以游擊軍扼中流兵不得進軍

將馬福言淪河

在漢陽府孝感縣東南上流即潞水分流曰潏水又別為竹子港下流俱

入大

口穿湖中可從陽邏堡西沙蕪口

在漢陽府黃陂縣南上通

武湖下達大江一名武口亦名沙武口

入江已延乃進圍漢陽聲言取

漢口渡江乘間遣阿嚙罕將奇兵倍道襲沙蕪口奪

之因是漢口開壩引船入淪河轉沙蕪口以達江戰

艦萬計相踵而至遣人招諭陽邏堡不應已延因密

謀于阿珠曰彼謂我必拔此堡方能渡江此堡甚堅

攻之徒勞汝今夜以鐵騎三千汎舟直趨上流為擣

虛之計阿珠即以昏時率四翼軍溯流二十里至青

山磯是夜雪大作黎明阿珠遙見南岸多露沙洲即

登舟指示諸將令徑渡載馬後隨萬戶史格

字晉明天澤子

一軍先渡為荆鄂都統程鵬飛所敗阿珠引兵繼之大戰中流鵬飛軍却阿珠遂登沙洲攀岸步闖散而復合者數四出馬急擊追至鄂東門鵬飛被重創走元巴延拔陽邏堡夏貴棄師走還巴延遂會阿珠趨鄂

外

阿珠遣人還報巴延大喜揮諸將急攻陽邏堡夏貴

聞阿珠飛渡大驚引麾下三百艘先遁沿流東下縱火焚西南岸大掠還廬州都統制王達及定海水軍統制劉成俱戰死元師遂入堡諸將請追貴巴延曰陽邏之捷吾將遣使前告宋人今貴走是代吾使也乃渡江與阿珠會趨鄂州知漢陽軍王儀以城叛降朱禩孫將兵救鄂不至而還

禩孫聞元兵趨鄂帥師援之道聞陽邏堡之敗乃夜奔還江陵府

鄂州降元已延使行省右丞阿爾哈雅戍鄂遂引兵東下

鄂恃漢陽為蔽及京湖之援朱禩孫既遁漢陽復失鄂勢遂孤呂文煥列兵城下招諭權守張宴然與都統程鵬飛度不能守遂以州軍降幕僚張山翁獨不屈元諸將請殺之巴延曰義士也釋之命阿爾哈雅以四萬人守鄂規取荆湖而自率大衆與阿珠東下趨臨安

似道初不知兵
前此鄂州之役
掩敗為功尤衆
人所共見及鄂
破而元師乘勝
東下席捲之勢
已成雖名將尚
恐不足抵禦似
道即出豈能紓
敵患而安衆心
廷臣疏請似道
親出蓋嫉其權

詔賈似道都督諸路軍馬開府臨安似道以孫虎臣總
統諸軍

鄂既破朝廷大懼三學生及羣臣上疏以為非師相
親出不可以道不得已始開都督府于臨安以黃萬
石等參贊軍事所辟官屬皆先命後奏仍于封樁庫
撥金十萬兩銀五十萬闕于一千萬貫充都督府之
公用王侯邸第皆輸助軍錢穀且覈釋道租稅收之
以備用

奸誤國藉以視
其致敗耳非果
望其有濟于事
然輕國計而快
私憤廷臣之心
亦不可問此宋
之所以亡也

詔天下勤王

陳奕以黃州叛降元

元已延遣程鵬飛至黃州招諭陳奕奕使人過江請
降且求名爵已延曰汝既率衆來歸何必慮及名爵
以沿江大都督許之奕大喜遂以城降時沿江諸郡
皆呂氏舊部曲望風附款奕又以書誘其子巖以安
東州降元

李庭芝遣兵入援

帝昞

乙亥德祐元年

元至元十二年

春正月元兵入黃蘄州

葬永紹陵

史臣曰度宗嗣位雖無大失德而拱手權奸哀獎寢甚國亡不于身幸矣

以呂師夔參贊都督府軍事師夔不受命以江州叛降元

初師夔提舉江州興福宮請募兵以禦元詔與知州

錢真孫同募至是賈似道承制召師夔參贊都督府

事任中流調遣師夔不受命與真孫降元巴延以師

夔知江州時知壽昌軍

宋置屬鄂州今武昌府武昌縣是

胡夢麟寓

治州中自殺

師夔設宴庾公樓選宗室女二人獻巴延巴延怒曰吾奉天子命興仁義師問

罪于宋豈以女色移吾心乎斥遣之

庾公樓在九江府治後濱大江

元劉整死于無為軍

周禮曰整以宋臣降元引戕故國從叛逆例書死

初元人南侵用呂文煥與整為導尋命整別將兵出

淮南整銳欲渡江曰大軍自襄樊東下宋悉力西拒

東方虛弱徑造臨安可一鼓而捷也巴延不可至是

劉整以來將降
元甘為嚮導已
不足齒于人類
乃不以身事二姓
為恥而托腕于
首帥約束成功
後人發憤以死
遠益增其遺臭
豈直輕于鴻毛
豈得與豫讓相
比哉

整率騎兵攻無為軍久而不克聞文煥入鄂捷至失
聲曰首帥束我使我成功後于人遂發憤死于無為
城下

知安慶府

宋置今屬江南

范文虎叛降元

文虎遣人如江州迎元軍巴延乃使阿珠以舟師先
造文虎以城降通判夏倚仰藥死巴延繼至承制授
文虎兩浙大都督

賈似道出師次于蕪湖二月夏貴引兵會之

似道畏劉整不敢發及聞其死喜曰吾得天助也乃
上表出師抽諸路精兵十三萬人以行金帛輜重之
舟舳艫相銜百有餘里命宰執小事專決大事則關
白督府不得擅行進次蕪湖遣人通呂師夔以議和
未幾夏貴引兵來會袖中出一編書示似道曰宋歷
三百二十年似道俛首而已

以汪立信為江淮招討使募兵禦元

賈似道至江上以立信為江淮招討使俾就建康募

兵立信受詔即日上道與似道遇于蕪湖似道拊立
信背曰不用公言以至于此因問立信何向立信曰
今江南無一寸乾淨地某去尋一片趙家地上死要
死得分明耳既至建康守兵悉潰四面皆北軍立信
知事不可成歎曰吾生為宋臣死為宋鬼終為國一
死但徒死無益耳率所部數千人至高郵欲控引淮
漢以為後圖

賈似道復請和于元已延不許

似道復使朱京如元軍請稱臣奉歲幣如開慶約已
延答書曰未渡江時議和入貢則可今沿江州郡皆
已內屬欲和則當來面議也似道不答

元克池州

唐置明為府
今屬江南

權守趙卯發

字漢卿
昌化人死之

池守王起宗聞元軍渡江棄官去通判趙卯發攝州
事卯發繕壁聚糧為固守計都統張林屢諷之降卯
發峻拒之已而林帥兵巡江陰遣人納款而陽助卯
發為守守兵皆歸于林卯發知事不濟乃置酒會親

友與訣謂妻雍氏曰城將破吾守臣不當去汝先出走雍曰君為忠臣我獨不能為忠臣婦乎明日元兵薄城卯發晨起書几上曰國不可背城不可降夫婦同死節義成雙遂與雍氏同縊死林開門降已延入城問太守何在左右以死對深歎惜之命具棺衾合葬祭其墓而去

事聞贈華文閣待制謚文節雍氏贈順義夫人

元主封其子諾摩罕

舊作那本罕今改

為北平王以安圖行省

院事于北鄙

元太宗長孫曰海都

元史諸王世系表海都為太宗第五子和碩王之子 and 碩王舊

作合失大
王今改

居北方自定宗以來日尋干戈至是詔封

諾摩罕為北平王率諸王兵鎮守而安圖總省院之

政

元平章軍國重事史天澤卒

謚忠武

天澤至真定病篤附奏曰臣死不足惜但願天兵渡

江慎勿殺掠語不及他元主聞訃震悼贈太尉追封

鎮陽王

天澤平居未嘗自矜其能及臨大事毅然以天下自任出入將相五十年上不疑下無怨

人以此郭子儀曹彬云

孫虎臣夏貴之師潰于江上賈似道奔揚州元盡取江

淮州軍

賈似道以精銳七萬餘人盡屬孫虎臣軍于池州下

流之丁家洲

在池州府銅陵縣東北

夏貴以戰艦二千五百艘

橫亘江中似道自將後軍軍魯港

在蕪湖縣西南上源即寧國之小淮

水下流入江今有鎮貴嘗失利于鄂恐督府成功無所逃罪又

忌虎臣新進出已上殊無鬪志會巴延令軍中作大

棧數十採薪芻置其上陽言欲焚舟而陰遣步騎夾道以進時阿珠與虎臣對陣已延舉巨礮擊虎臣中堅虎臣軍動阿珠以划船數千艘乘風直進呼聲動天地虎臣前鋒將姜才

濠州人

方接戰虎臣遽過其妾

所乘舟衆見之譙曰步帥遁矣軍遂亂夏貴不戰而走以扁舟掠似道船呼曰彼衆我寡勢不支矣似道聞之錯愕失措遽鳴鉦收軍舳艫簸蕩乍分乍合阿珠麾將校橫擊深入巴延以步騎左右掎之殺溺死

者不可勝計水為之赤軍資器械盡為元所獲似道
夜駐珠金沙召貴計事頃之虎臣至撫膺哭曰吾兵
無一人用命者貴微笑曰吾嘗血戰當之矣似道曰
計將安出貴曰諸軍已膽落吾何以戰師相惟有入
揚州招潰兵迎駕海上吾當以死守淮西耳遂解舟
去似道乃與虎臣單舸奔還揚州明日潰兵蔽江而
下似道使人登岸揚旗招之皆莫應有為惡語嫚罵
之者于是鎮江寧國隆興江陰守臣皆棄城遁太平

和州無為軍俱相繼降元

元克饒州知州事唐震

字景實會稽人

故相江萬里死之

元軍畧饒州知州唐震發州民城守時元遣使來取

降款通判萬道同諷震降震叱之曰我忍偷生負國

邪城中少年感震言殺元使者已而元軍登陴衆皆

散震入坐府中元軍執牘使署降震擲筆于地不屈

遂死之其兄與家人俱死初江萬里罷相後聞襄樊

破鑿池芝山

在饒州府鄱陽縣北唐刺史薛振常採芝于此因名

後園扁其亭

曰止水人莫喻其意至是謂門人陳偉器曰大勢不可為余雖不在位當與國為存亡遂赴止水死左右

及子鎬

本蜀人王楠子為萬里後

相繼投沼中積屍如疊翌日萬

里屍獨浮出水上從者斂葬之

事聞贈震華文閣待制謚忠介萬里太傅

益國公
謚文忠

行宮留守趙潛棄建康而逃

潛盡取行宮金帛回城而逃

賈似道上書請遷都王爚去位

江上之師為南宋存亡一大機會自遷都議起廷論遂有異同然時事至此已無可為即固守孤城亦未必能再延一綫但與其播遷海上委棄洪濤又何如堅蹕行都猶不失為宗社之殉耶王煥此論固未為非理然以其說不行棄位徑去置國事于

似道至揚州檄列郡如海上迎駕上書請遷都太皇

太后不許殿帥韓震

賈似道親信出師時令總禁兵

復以為請詔下

公卿雜議王鎰請堅蹕未決以已不能與大計乞罷

政不待報徑去已而宗學生上言陛下移蹕不于慶

元則于平江事勢危急則航海幸閩不思我往彼亦

能往徒驚擾無益乃止

張世傑將兵入衛遂復饒州

時方危急徵諸將勤王多不至惟世傑來上下歎異

不問其跡似乎
抗直其心未免
避禍以視似道
之喪師辱國所
差亦不能以問
耳

陳宜中疑世傑歸自元易其所部軍

江西提刑文天祥起兵勤王

勤王詔至贛天祥奉之涕泣發郡中豪傑并結溪峒
山蠻有衆萬人遂入衛盡以家資為軍費每與賓客
僚佐語及時事輒撫几曰樂人之樂者憂人之憂食
人之食者死人之事聞者為之感動

湖南提刑李芾

字叔章
衡州人

遣兵入援

芾性剛直忤賈似道貶官家居者久之至是提刑湖

南發壯士三千人使將將之勤王

以陳宜中知樞密院事兼參知政事

遣元行人郝經還

元主復使經弟行樞密院都事庸

字季常

等來問經所

在詔遣總管段佑以禮送經歸經道病元主勅尚醫

近侍迎勞至燕未幾卒謚文忠

經留宋十六年思託言垂後所著有續漢

書及易春秋外傳諸書從者皆通于學其北還之歲汴中民射鴈金明池得繫帛書詩云霜落風高恣所如歸期回首是春初上林天于援弓繳窮海累臣有帛書中統十五年九月一日放鴈獲者勿殺國信大

郝經使宋被拘
抗志不屈固宜
與蘇武並稱然
武尚不免娶婦
生子而經獨以
著書講學為事
更可謂嶢然不
滓者至帛書一
節世蓋因武事
而傳會不知上
林射鴈乃漢使
設詞以誑匈奴
在當時本非事
實若竟欲藉以
為通問則不免
倣古而失之愚

使郝經書于真州忠勇軍營新館蓋經以久留音問
不通乃用蠟九帛書親繫鴈足祝之北飛時南北隔
絕不知中統之為至元也事載元史經本傳明宋濂
有題帛書後文且云是書為安豐教授王時中所得
至延祐中集賢學士郭貫獲之始上于朝仁宗令裝
潢成帙藏諸東觀吳澄袁桷虞集皆有所作其言尤
為詳確續綱目不
載今特為補輯

賈似道有罪免

陳宜中初附似道得驟登政府及堂吏翁應龍自軍
中以都督府印還宜中問似道所在應龍以不知對
宜中意其已死即上疏乞誅似道以正誤國之罪太

諒經必不出此
且中統十五載
適當至元乙亥
距經北還之歲
首尾一年繪帛
之質豈能尚無
浥損汴人射得
又何以竟匿私
家宋濂輩借以
點綴詞章固無
不可史傳亦採
而錄之則詎矣

皇太后曰似道勤勞三朝安忍以一朝之罪失待大
臣之禮詔授似道醴泉觀使罷平章都督凡似道諸
不卹民之政次第除之以公田給還田主令率其租
戶為兵放還諸竄謫人

右丞相章鑑遁

鑑聞元兵日迫託故徑去

端明殿學士江淮招討使汪立信卒于軍

立信聞賈似道師潰江漢守臣望風降遁歎曰吾今

汪立信從容就節志固可悲然方駐兵高郵身當南北之衝屹然為江淮聲援使其于潰師之後激勵士卒力圖再舉或藉此稍為撐拄亦未可知即時勢萬無可為亦當俟嬰守計窮與城

日猶得死于宋土也乃置酒招賓僚與訣手自為表起居三宮與從子書屬以家事夜分起步庭中慷慨悲歌握拳撫案者三以是失聲三日扼吭而卒後元軍至建康金明

立信愛將

以其家人免或以立信三策及

死告已延請戮其孥已延歎息久之曰宋有是人有是言哉使果用之我安得至此命求其家厚卹之曰忠臣之家也金明以立信之喪歸葬丹陽

三月陳宜中殺殿前都指揮使韓震

同殉乃甫開敗
問遽爾自戕于
時事絲毫無補
惜乎其輕擲一
死耳

或言震謀刦帝遷都陳宜中欲示非賈似道黨乃召
震計事伏壯士袖鐵椎擊殺之震部曲百餘人大闕
而出射火箭入宮斫嘉會門宜中遣兵逐之遂奔建
康

元巴延入建康

建康都統徐旺榮迎巴延入城居之時江東大疫居
民乏食巴延開倉賑之且遣醫治疾民大悅會元主
有詔以時方暑不利行師俟秋再舉巴延上言曰百年

逋敵已扼其吭少爾遲回奔播海島遺後悔矣元主從之詔已延以行中書省駐建康阿珠分兵駐揚州與博爾懽達春絕宋淮南之援已延分兵四出知廣德軍令狐聚以城降元

以王爚陳宜中為左右丞相並兼樞密使都督諸路軍馬

爚與宜中論事多不合宜中請建督府于京師檄召諸路軍馬勤王并令潰軍各歸所部團結內外兵十

七萬五千人分廂差官為督給一兵付教場教閱

削章鑑官放歸田里

鑑既去太皇太后遣使召還罷相予祠韓震之死鑑

明其無他為御史王應龍所劾削一官放歸田里

鑑居

位號寬厚與人多許
可時目為滿朝歡

復吳潛向士璧官貶竄賈似道黨人有差

御史陳過

續綱目作陳過庭考宋
史本紀無庭字今改正

潘文卿請竄賈似

道并治其黨與詔刺配翁應龍于吉陽軍罷廖瑩中

王庭

金華人

劉良貴陳伯大董樸等官

元軍入常州

知常州趙與鑑遁州人錢訔

續綱目作王良臣今從宋史

等以城

降元知平江府潛說友亦叛降于元

後五月和州防御史劉師勇復

取常州

劉

師勇廬州人

詔張世傑總都督府諸軍世傑分道出兵以拒元

世傑遣其將閻順李存進軍廣德謝洪永進軍平江

李山進軍常州順遂復廣德軍

人臣當無事之時苟圖自逸引

身而退已乖陳

力就列之義矧

乃疆場日棘國

故多艱即夙夜

在公尚恐不能

救危亡于萬一

盡心所事義固

應爾也豈有當

京邑戒嚴相率

而為遁荒之舉

棄置朝廷惛然

不顧曾淵子等

平日皆號讀書

明理之人至臨

有二星闕于中天一星隕

趣五郡鎮撫使呂文福將兵入衛文福殺使者叛入江

州臨安戒嚴曾淵子

字廣微南豐人

文及翁

字時學綿州人

俛普等棄

位而遁詔戒禁之

元兵既近臨安戒嚴于是同知樞密院事曾淵子左

司諫潘文卿右正言季可兩浙轉運副使許自浙東

安撫王霖龍侍從陳堅何夢桂曾希顏等數十人皆

遁朝中為之蕭然簽書樞密院事文及翁同簽書院

難惟思苟免真
為士類所羞稱
然章鑑留夢炎
顰身東國釣亦
復抱頭鼠竄其
餘又何足責乎

事俛普諷臺諫劾已章未上亟出關遁太皇太后聞
之詔榜朝堂云我朝三百餘年待士大夫以禮吾與
嗣君遭家多難爾小大臣未嘗有出一言以救國者
方且表裏合謀接踵宵遁平日讀聖賢書自諉謂何
乃于此時作此舉措生何面目對人死亦何以見先
帝天命未改國法尚在其在朝文武官並轉二資其
畔官而遁者令御史臺覺察以聞然不能禁也

元禮部尚書廉希賢

字達甫一名準圖
哈雅希憲從弟

等來至獨松關

元兵既已渡江其局固非乞和

在今餘杭縣西北獨松嶺上為江浙二省要隘

守將張濡後曾孫殺之

可了兩軍相對使行其間乃行人甫入境遽以

元主遣禮部尚書廉希賢工部侍郎嚴忠範

泰安長清人實

兵及相加實非情理所宜使來

之子奉國書而南至建康希賢請兵自衛巴延曰行人

果有良將勁卒可以制勝或者

以言不以兵兵多反致疑耳希賢固請遂以兵五百

猶可今並無可自恃者而冒昧

送之行至獨松關張濡部曲不知為使襲殺忠範執

橫挑敵怒旋又思餌以甘言更

希賢送臨安希賢病創死朝廷使人移書元軍言殺

與免戲何異元人豈肯為宋所

使之事乃邊將太后及嗣君實不知當按誅之請罷

愚謀國者錯繆

兵通好巴延曰彼為詐計視我虛實耳當擇人同往

若此尚何所恃
以圖存耶

觀其事體令彼速降乃遣議事官張羽同使人還臨

安羽至平江被殺

元阿爾哈雅入岳州

岳州安撫使高世傑復會郢復岳三州及上流諸軍
戰船數千艘扼荊江口阿爾哈雅督諸翼水軍屯東
岸世傑乘夜陣于洞庭湖中阿爾哈雅分道擊之世
傑敗走力屈乃降阿爾哈雅斬世傑以徇岳州總制
孟之紹舉城降元元兵尋復破沙市城監鎮司馬夢求

叙州人光
五世孫 死之

夏四月元阿爾哈雅侵江陵朱禩孫高達以城降遂盡
取荆南州軍

初高達解鄂州之圍賈似道許以建節後忌而不與
達遂怨望至是阿爾哈雅自岳州攻江陵達戰累敗
及元屠沙市達與禩孫及提刑青陽夢炎等遂出降
阿爾哈雅遂入城命禩孫移檄所部于是湖北諸郡
歸峽鄂復鼎澧辰沅靖
隨常德均房施荆門 相繼皆降阿爾哈雅以兵守

建藩之說在平
世已屬迂談况
敵騎憑城即猛
將雄材猶難支
柱豈與芻庸材
分陝所可倚以
自彊且紹興僻
在浙東地非衝

峽捷聞元主喜謂近臣曰已延東下阿爾哈雅孤軍
守鄂朕常憂之今荆南定吾東兵可無後患矣乃親
作手詔褒之授高達參知政事禿孫至上都死

以福王與芻為浙東安撫大使開府紹興

有司議建藩屏以彊王室詔以與芻為浙東安撫大
使判紹興開府置長史司馬

元阿珠侵真揚州李庭芝遣守將苗再成姜才帥兵禦
之敗績

要虛崇體制更
與實際何裨議
者第欲博建置
之名而于當時
事勢全未籌及
厥後行都既破
與焉且不台自
來又安在其能
為藩衛乎

元兵東下所過迎降李庭芝率勵所部固守揚州

阿珠

遣李虎持招降榜入城庭芝殺虎焚其榜總制張俊
出戰持降臣孟之縉書來招降庭芝復焚其書梟俊

首于市時出金帛牛酒燕犒將士人人感激自奮及阿

珠攻真州苗再成與趙孟錦

宗室子

帥兵大戰于老鶴

觜

註見前

敗績阿珠乘勝進趨揚州姜才為三疊陣逆

之于三里溝敗之阿珠陽退才逐之阿珠反戰至楊

子橋

在揚州府江都縣南

兩軍夾水而陣元張弘範以二十騎

絕渡衝才軍才軍堅不可動弘範引卻以誘以一騎

是時宋之君臣
救亡之不暇尚
從容為崇儒重
道之舉此與宋
襄臨戰談古何
異真可笑可哀
耳

躍馬揮刀直趣弘範弘範旋轡反迎刺之應手而斃

才軍遂潰阿珠與弘範追之自相蹂踐與臨濠水死

者甚衆流矢中才肩才拔矢揮力而前元軍辟易不

敢逼遂以身免元軍進薄揚州南門

詔與婺州處士何基王栢

基字子恭栢字會之俱金華人贈謚

基少師事黃幹醇固篤實絕類漢儒趙汝騰蔡抗字仲

節元楊棟

字元極眉州青城人

相繼薦于朝詔與州學教授又

改承務郎基終不受栢年三十始知為學之源捐去

俗學勇于求道從基游基授以立志居敬之旨以質實堅苦自勵凡六經四書及濂洛關閩之書皆有著述至是詔謚基曰文定贈栢承事郎

詔張世傑等四道出兵以禦元

時知慶遠府仇子真淮東兵馬鈐轄阮克已各將兵入衛詔與世傑張彥分道出擊元軍臺諫請命大臣監護事下公卿雜議久而不決陳文龍上言北兵今日取某城明日築某堡而我以文相遜以迹相疑譬

猶拯溺救焚而為安行徐步之儀也請詔大臣無滋
虛議不報

六月庚子朔日食既晝晦如夜

成都安撫使督萬壽以嘉定

唐嘉州地宋置府今隸四川

諸城叛降

元

元主名汪良臣入朝謂之曰成都被兵久須卿安集
之授西川行樞密事遣還良臣進攻嘉定萬壽堅守
不出良臣度有伏兵大搜山谷果得而殺之進壘薄

城萬壽悉軍出戰大敗遂籍境內三龜

山名在今嘉定府東以形

似得

九頂

山名在今嘉定府東一里隔江山有九峯故名

紫雲

在今犍為縣東南又曰子

雲城相傳楊雄曾居此而名

諸城降元元以萬壽僉西川行樞密

院事

皆萬壽既降兩川郡縣多送款于元獨四川制置副使張珩固守不下元主建東西行樞密院

會兵圍之張珩字君玉隴西鳳洲人

以王爚平章軍國重事陳宜中留夢炎為左右丞相並兼樞密使都督諸路軍馬

王爚與陳宜中不協會夢炎自湖南入朝爚宜中皆

水軍因舟為壘
潮汐之盈縮無
常惟視水勢行
舟簸蕩膠澁之
虞庶可而免世
傑堅壁中流既

請相夢炎而求去太皇太后曰二相母藉此求閑也
乃以燭平章軍國重事一月兩赴經筵五日一朝宜
中夢炎並相燭即日就民居以丞相府讓宜中宜中
言一辭一受何以解天下之譏因辭去遣使遮留乃
還

秋七月張世傑與元阿珠戰焦山下世傑敗績奔圖山

在今鎮江府丹徒縣東北
山在江濱有上下二箭洞

世傑與劉師勇孫虎臣等大出舟師萬餘艘次于焦

非萬全之策而又禁其發碇以驅之于必死之地即無阿珠火攻亦不知其將何以制勝也措置乖方束手就斃世傑固忠有餘而智不足者歟

山令以十舟為方碇江中流非有號令毋得發碇示

以必死元阿珠登石公山

在今丹徒縣東北與焦山對峙

望之曰可

燒而走也遂遣健卒善殼者千人載以巨艦分兩翼

夾射阿珠居中合勢進戰繼以火矢蓬檣俱焚烟燄

蔽江諸軍既碇舟死戰至是欲走不能前軍爭赴江

死張弘範董文炳復以銳卒橫衝世傑不能復軍奔

圖山阿珠弘範追之獲黃白鷄船七百餘艘師勇還

常州虎臣還真州世傑請濟師不報

放賈似道于循州籍其家

似道既免三學生及臺諫侍從皆上疏乞誅似道太
皇太后不許而似道亦自上表乞保全且言為夏貴
孫虎臣所誤有旨令李庭芝津遣歸越以終喪制似
道尚留揚不還王爚復論似道既不死忠又不成孝
乞下詔切責似道得詔乃還紹興府紹興守臣閉城
不納王爚復言于太后曰本朝權臣稔禍未有如似
道之烈者搢紳草茅不知幾疏陛下皆抑而不行付

人言于不恤何以謝天下太后乃降似道三官婺州居住婺人聞似道至率衆為露布逐之尋又徙于建

寧府

詔斬翁應龍籍其家廖瑩中王庭除名流之嶺南皆自殺

翁合上言似道總

權罔上賣國召兵專利虐民滔天之罪人人能言迫

于衆怒僅謫建寧夫建寧實朱熹講道之闕里雖三

尺童子亦知向方聞似道名咸欲嘔唾况見其面乎

乞遠投荒昧以禦魑魅國子司業方應發中書舍人

王應麟亦言之皆不從于是侍御史陳景行孫爨叟

等上疏以似道罪重罰輕乞斬之以正法乃詔責授
高州團練副使循州安置籍其家遣使監押之貶所
會稽縣尉鄭虎臣以其父嘗為似道所配欲報之欣
然請行似道時寓建寧之開元寺

在今建寧府甌寧縣城南晉建舊名

林泉唐賜今名侍妾尚數十人虎臣至悉屏去撤轎蓋暴

行秋日中令舁轎夫唱杭州歌謔之每名斥似道窘
辱備至一日入古寺壁上有吳潛南行所題字虎臣
呼似道曰賈團練吳丞相何以至此似道慙不能對

至泉州洛陽橋

在今泉州府晉江縣東北一名萬安橋宋嘉祐中太守蔡襄建

遇葉

李自漳州放還見于客邸李賦詞贈之似道俯首謝

焉

陳宜中去位詔罷王爚為醴泉觀使召宜中于溫州

初張世傑之將出師也王爚謂二相宜一人督師吳

門不然則已請行宜中甚愧已而世傑敗于焦山爚

復言曰今二相並建都督廟算指授臣不得而知比

者六月出師諸將無統臣豈不知吳門去京不遠而

必為此請者蓋大敵在境非陛下自將則大臣出督
今世傑以諸將心力不一而敗不知國家尚堪幾敗
邪臣既不得其職又不得其言乞罷平章太后不許

既而京學生劉九皋等伏闕上書言宜中擅權

其畧以為

趙潛趙與鑒皆棄城遁宜中乃借使過之說以報私
恩令狐柴潛說友皆以城降乃受其苞苴而為之羽
翼文天祥率兵勤王信讒而沮撓之賈似道喪師辱
國陽請致罰而陰佑之元兵薄國門勤王之師乃留
之京城而不遣宰相當出督而畏縮猶豫第令集議
而不行師夔狼子野心而使之通好乞盟焉張世傑
步兵而用之于水劉師勇水兵而用之于步指
授失宜因以敗事臣恐誤國將不止一似道也初宜

中事多專決不關白燾或謂京學之論實燾嫉之書
上宜中徑去遣使四輩召之不至太后乃下九皋等
臨安獄而降手詔曰給舍之奏謂燾與宜中必難久
處兼燾近奏乞免平章辭氣不平誠有如人言者可
罷燾平章軍國重事以少保觀文殿大學士充醴泉
觀使燾既罷相未幾遂卒燾清修剛勁不阿權勢及
為相屬國勢危亡乃不能協謀以濟大事士論
惜之

元以巴延為右丞相阿珠為左丞相

元主召巴延還至上都面陳形勢乞即進兵遂拜右丞相巴延辭曰阿珠功多臣宜居後乃進阿珠左丞相仍詔巴延直趨臨安阿珠仍攻淮南阿爾哈雅取湖南萬戶宋都木達

舊作宋都
今改

呂師夔李恒

西夏
之裔

等

取江西

加夏貴樞密副使兩淮宣撫大使貴不奉詔

詔貴與淮東制置副使知揚州朱煥互調召李庭芝還朝貴不奉詔煥還揚州庭芝亦不行

八月以李芾知潭州文天祥知平江府

天祥至臨安上疏言本朝懲五季之亂削藩鎮建都
邑一時雖足以矯尾大之弊然國以寢弱故敵至一
州則一州破至一縣則一縣殘中原陸沉痛悔何及
今宜分境內為四鎮建都統御于其中以廣西益湖
南而建閩于長沙以廣東益江西而建閩于隆興以
福建益江東而建閩于番陽以淮西益淮東而建閩
于揚州責長沙取鄂隆興取蘄黃番陽取江東揚州

取兩淮地大力衆乃足以抗敵約日齊奮有進無退
日夜以圖之彼備多力分疲于奔命而吾民之豪傑
者又伺間出于其中如此則敵不難却也時議以為
迂濶不報命知平江府

元以廉希憲行省事于江陵

阿爾哈雅以江陵地圖上進請重臣開大府鎮之元
主命希憲行省事希憲至江陵阿爾哈雅率其屬郊
迎望拜塵中荆人大駭希憲錄舊官禁剽奪興學墾

田民情大安由是思播田揚二氏及西南溪峒皆越境請降

冬十月以留夢炎陳宜中為左右丞相兼樞密使都督

諸路軍馬

時夢炎自右相除左相宜中自觀文殿大學士復除右相

宜中在温州被召以親老力辭太后自為書遺其母楊氏使諭之宜中乃赴召

元阿爾哈雅圍潭州李芾力戰禦之

李芾至潭元游騎已入湘陰

五代宋縣今屬湖南長沙府

益陽

漢縣

今亦屬諸縣城中守卒不滿三千芾結峒蠻為援繕
長沙府器械峙芻糧柵江修壁及元兵至芾慷慨登陴與諸
將分地而守民老弱皆出結保伍助之不令而集芾
日以忠義勉將士人皆殊死戰有來招降者輒殺之
以徇

監押官鄭虎臣殺賈似道于漳州

似道舟次南劍州黯淡灘

在今延平府城東其水湍急其石廉利號稱極險

虎臣曰水清甚何不死于此似道曰太皇許我不死

候有詔即死十月至本綿菴

在今龍溪縣南

虎臣曰吾為天下

殺似道雖死何憾遂拘其子與妾于別館即廁上拉

其胸殺之陳宜中至福州捕虎臣斃于獄

後十二月復詔許似

道歸葬返

其田廬

元阿珠圍揚州李庭芝力戰禦之

阿珠攻揚久而不拔乃築長圍困之城中食盡死者

枕藉滿道而庭芝之志益堅會已延至灣頭名諸將

授方畧遂率衆軍南行

元巴延渡江分兵東下

巴延分兵為三道阿嚙罕鄂囉齊

喇拉台人舊作奧魯赤喇拉台舊作

扎刺台今改等帥右軍自建康出廣德四安鎮

在今廣德州東與長

興縣接界為江浙陸行通道

趨獨松關董文炳姜衛

國王固察子舊作相

威固察舊作速渾察今改

等帥左軍出江並海取道江陰趨澈浦

在今海鹽縣南水經注云谷水于縣出為澈浦以通巨海即此

華亭以范文虎為前

鋒巴延及安塔哈

舊作阿答海今改

等將中軍趨常州以呂

丈煥為前鋒水陸並進期會臨安

文天祥遣兵救常州不克

常州告急天祥使尹王

寧都人

麻士龍朱華與張全

陳宜

中所達也

合將兵赴援士龍戰虞橋先死王戰五牧

在今武進

縣東南

前後殺傷數千人復收殘卒五百與北兵相持

一夕手殺數十人遂死麾下無一人降者全華不戰而遁

十一月元將阿嚙罕克廣德軍四安鎮召文天祥入衛

阿嚙罕破銀樹東壩戍將趙淮

葵之子

死之遂至護牙

山一名伍牙山在今建平縣東北為金陵諸山之祖支派連屬北接漂陽連戰皆捷進

克廣德軍西安鎮陳宜中倉皇發臨安民年十五以

上者皆籍為兵號武定軍召文天祥于平江

元將宋都木達李恒等盡取江西州軍都統密佑

其先密州

人後居廬州逆戰于撫州死之

宋都木達與李恒等所至莫當其鋒隆興轉運判官

劉槃以城降不數月取江西十一城進逼撫州時黃

萬石開閩州治閩兵至奔建昌都統密佑率衆逆戰

進賢坪

在今進賢縣南

元兵呼曰降者乎闔者乎佑曰闔者

也麾其兵哭進元軍圍之數重佑身被四矢三槍猶

揮雙刀率死士數十人斫圍南走橋斷遂被執宋都

木達曰壯士也欲降之不屈令其子說之曰父死子

安之佑斥曰汝行乞于市第云密都統子誰不憐汝

怡然自解其衣請刑遂死元進取建昌萬石走入閩

元已延克常州屠其民知州事姚峇

希得子

通判陳炤

字光

伯常州人

都統王安節

堅之子

死之

已延至常州會兵圍城姚訔陳炤劉師勇王安節力
戰固守已延遣人招之譬喻百端終不聽已延怒役
城外居民運土為壘土至併人以築之且殺民煎膏
取油以作礮焚其牌杈日夜攻不息城中甚急而訔
等守志益堅已延乃叱帳前諸軍奮勇爭先四面並
進城遂破訔死之炤與安節猶巷戰或謂炤曰城東
北門未合可走炤曰去此一步非死所矣日中兵至
死焉已延命屠其民執安節至軍前不屈亦死師勇

以八騎突圍走平江

以謝枋得為江西招諭使知信州

師夔舉族降元
並受官職叛逆
顯然而其部曲
又爭相降附呂
氏之罪惡更無
可原枋得固素
稱守道重義者
何亦徂于私交
保其可信且欲
藉以行成其視
司馬遷之于李
陵殆有甚矣迨

初枋得聞淮西江東西州郡守將皆呂氏部曲故爭
降附自以與呂師夔善乃應詔上書以一族保師夔
可信乞分沿江諸屯兵以師夔為鎮撫使使之行成
且乞身至江州見文煥與議朝廷乃以枋得為沿江
察訪使以往會文煥北還不及而返遂改知信州

追封故濟王竑為鎮王

謚昭肅

次年安仁之戰
辛敗于師變能
無自悔耶

中書舍人王應麟請為濟王立後乃詔贈太師尚書
令進封鎮王擇後奉祀賜田萬畝

元軍破獨松關守將張濡遁

獨松既破隣邑望風皆遁朝廷大懼特勤王師尚三
四萬人文天祥與張世傑議以為淮東堅壁閩廣全
城若與敵血戰萬一得捷則令淮師以截其後國事
猶可為也世傑大喜陳宜中白太后降詔以王師務
宜持重議遂止

張濡既遁後為廉
希賢之子所殺

左丞相留夢炎遁

十二月遣工部侍郎柳岳如元軍請平已延不許

陳宜中當國遭時多難不能措一策惟事蒙蔽將士
離心郡邑降破方且理會科舉明堂等事及士大夫
陳乞差遣士人覬覦恩例至是遣柳岳奉書如元軍
前乞班師修好岳見已延于無錫泣請曰嗣君幼沖
在裒經中自古禮不伐喪凡今日事至此者皆奸臣
賈似道失信誤國耳已延曰汝國執戮我行入故我

呂文煥喪心負國反而事敵不加以門誅已屬寬典况危急之際懷去就者正多尤當明誅賞以示激勵乃于叛臣族屬不惟不申刑憲轉重予褒崇將何以

興師錢氏納土李氏出降皆汝國之法也汝國得天

下于小兒亦失于小兒天道如此尚何多言遂令囊

嘉特

奈曼人舊作囊加歹今改

偕岳還而別遣人奏上都

追封呂文德為和義郡王

朝議以呂文煥為元鄉導乃追封文德而以文德子

師孟為兵部侍郎覲成和議

元巴延入平江

平江府通判王矩之統制王邦傑以城迎降于常州

警亂賊之心而作忠義之氣且文煥既已降元不復繫情故國又豈區區王爵足以動其心者宋廷舉措若此所見何異孩稚

是時敵兵深入臨安已在掌握之中宋君臣即欲屈節圖存元人安肯捨岳成之功遽為返旆

府已延使呂文煥先往受之然後入城張世傑未至平江已破乃以兵入衛

復遣柳岳如元求封行至高郵民殺之

陳宜中因柳岳還復奏遣宗正少卿陸秀夫及呂師孟等同囊嘉特使元軍求稱姪納幣不從則稱姪孫

且勅呂文煥令通好罷兵秀夫等見已延于平江巴延不許宜中乃白太后奉表求封為小國太后從之

直學士院高應松

開慶元年進士

不肯草表改命京局官劉

乃始則抗請班
師繼則求封小
國惟冀延殘喘
甘于含垢包羞
而不顧徒辱其
名而終歸無益
直當謹為至愚
而已獨惜陸勢
夫既有負海之
節而此時然無
一言且奉稱姪
孫之約以佳見
已延何哉

褒然為之岳等至高郵嵇家莊為嵇聳所殺

黃萬石叛降元統制米立人淮死之

立初從陳奕守黃州奕降立潰圍出萬石署為帳前
都統制元軍畧江西立迎戰于江坊兵敗被執不降
繫獄至是萬石舉軍降元元行省遣萬石諭立曰吾
官銜一牙牌書不盡今亦降矣立曰侍郎國家大臣
立一小卒爾但三世食趙氏祿趙亡何以生為立乃
陳上生擒之人與投降拜者不同萬石再三諭之不屈

遂遇害

丙二年

是年依前夏商例一歲兩條三月以前為宋德祐二年三月以後為元至元十三年說詳後

春正月元阿爾哈雅破潭州湖南鎮撫大使知州事李芾死之遂盡取湖南州軍

阿爾哈雅督戰益急與諸將畫地分圍決隍水以礮攻之城中大窘力不能支諸將泣請曰事急矣吾屬為國死可也如民何芾罵曰國家平時所以厚養汝者為今日也汝第死守有復言者吾先戮汝除夕元

兵登城蟻附而上知衡州尹穀

字耕史潭州長沙人

時寓城中

知事不可為與其家人自焚芾命酒酌之因留賓佐

會飲夜傳令猶手書盡忠字為號飲達旦諸賓佐乃出

參議楊霆

字震仲

赴圍池死芾坐熊湘閣召帳下沈忠

遺之金曰吾力竭分當死吾家人亦不可辱于俘汝

盡殺之而後殺我忠辭以不能芾固命之忠泣而諾

取酒飲其家人盡醉乃徧刃之芾亦引頸受刃忠縱

火焚其居還家殺其妻子復至火所大慟舉身投地

乃自刎幕僚陳億孫

安仁人

顏應焱皆死潭民聞之多

舉家自盡城無虛井縊林木者相望元旦守將吳繼

明劉孝忠以城降阿爾哈雅傳檄諸郡由是表連衡

永柳全道桂陽武岡皆降于元寶慶通判曾如驥亦

不屈而死

事聞贈華端明殿大學士謚忠節

陳文龍

元年十二月文龍參知政事

黃鏞

元年十一月鏞同簽書樞密院事

遁以吳

堅

元年十一月堅簽書樞密院事

為左丞相兼樞密使常楙

字長孺參同曾孫

知政事

日午宣麻慈元殿文班止六人

尋以夏士林簽書樞密院事林及士林皆

進去召留夢炎還亦不至詔即以為江東西湖南北宣撫大使

諸關兵皆潰

知嘉興府劉漢傑以城降元元兵圍安吉州知州趙

良淳

字景程汝愚曾孫居饒之餘干

與提刑徐道隆

字伯謙婺州武義人

同守

時元兵迫行都召道隆入衛道絕不通乃由太湖經

武康

晉縣今屬湖州府

臨安

晉縣今屬杭州府

縣境勤王范文虎致

書誘良淳降良淳焚書斬其使元兵至良淳率衆城

守夜就爰舍陴上不歸既而戎將吳國定開門納元
兵良淳命車歸府兵士止之曰侍郎何自苦良淳叱
去之閉閣自經元兵追道隆及之一軍盡沒道隆見
執伺守者少息赴水死

遣監察御史劉岳奉表稱臣于元

陸秀夫還言已延不肯從伯姪之稱太后命用臣禮
陳宜中難之太后涕泣曰苟存社稷稱臣非所較也
遂遣岳奉表稱臣上尊號歲貢銀絹二十五萬兩匹

乞存境土以奉蒸嘗且約巴延會長安鎮

在今海寧縣西北與

仁和縣接界以輸平

進封吉王昱為益王判福州信王昺為廣王判泉州

初召文天祥知臨安府天祥辭不拜請以福王秀王

名與擇安億王子偶之後判臨安係民望身為少尹以死衛宗廟

又乞命吉王信王鎮閩廣以圖興復俱不許至是宗

親復請太后從之以駙馬都尉楊鎮及楊淑妃弟亮

節俞修容弟如珪提舉二王府事

陳宜中請遷都不果行

宜中以元不許和計無所出乃率羣臣入宮請遷都
太后不許宜中慟哭以請太后命具裝以俟及暮宜
中不入太后怒曰吾初不欲遷而大臣數以為請顧
欺我邪脫簪珥投之地遂閉閣羣臣請見皆不納蓋
宜中實以翼日行倉卒失于奏爾

元已延軍皋亭山

在今仁和縣東北

太皇太后遣使奉璽以降

右丞相陳宜中夜遁

巴延至長安鎮陳宜中違約不往議事巴延乃進次

皋亭山阿嚙罕董文炳之師皆會遊騎至臨安府北

關

即今北新關在仁
和縣北武林門外

文天祥張世傑請移三宮入海

而已帥衆背城一戰宜中不許白太后遣監察御史

楊應奎上傳國璽以降巴延受之遣使召宜中議降

事而使囊嘉特奉璽表赴上都應奎既行是夜宜中

遁歸于温州之清澳

張世傑劉師勇各以所部兵入于海

世傑師勇及蘓劉義以不戰而降遂去世傑次于定

海

宋縣今改名鎮海屬寧波府

元石國英使都統卞彪說世傑降

世傑以為彪來從己俱南也椎牛享之酒半彪從容

為言世傑大怒斷彪舌磔之于巾子山

在今鎮海縣東北山形卓

立如巾幘故名

師勇至海上見時事不可為憂憤縱酒卒

吳堅文天祥如元軍已延執天祥遣堅還

楊應奎還言已延欲執政面議太后乃以天祥為右

丞相兼樞密使

天祥先拜簽書樞密院事

與吳堅偕往天祥辭不

拜遂行因說巴延曰北朝若以宋為與國請退兵平
江或嘉興然後議歲幣與金帛犒師北朝全兵以還
策之上也若欲毀其宗社則淮浙閩廣尚多未下利
鈍未可知兵連禍結必自此始巴延以北詔為辭顧
天祥舉動不常疑有異志留之軍中遣堅還天祥怒
數請歸曰我之此來為兩國大事何故留我巴延曰
勿怒君為宋大臣責任非輕今日之事正當與我共
之令蒙古台

蒙古塔塔爾氏舊
作忙兀台今改

索多館伴羈縻之

駙馬都尉楊鎮等奉益王廣王走婺州

楊淑妃秀王與擇從行

元呂師夔侵江東謝枋得迎戰敗績

枋得與元戰于安仁

陳縣今屬饒州府

矢盡而敗遂奔建寧

枋得固講理學戰而敗死國事可也乃變姓名而竄猶以論學

宋軍名屬福建路今福建建寧府是

山中妻子皆被執

枋得至建寧變姓名寓逆旅中

為人所宗正所謂進退無據史

日麻衣躡屨東鄉而哭人不識之以為被病也已而去賣卜建陽市中有來卜者惟取米糲而已委以錢

尚有與辭豈正見哉

率謝不取其後人稍稍識之多延至其家使為弟子論學建陽晉縣今屬建寧府

二月日中有黑子

元已延遣人入臨安封府庫收圖籍符印

已延承制以臨安為兩浙大都督府命蒙古台范文

虎入城治都督府事又令程鵬飛取太皇太后手詔

及三省樞密院檄諭州郡降附執政皆署家鉉翁

眉州

人時為簽書樞密院事獨不肯鵬飛令縛之鉉翁曰中書無縛

執政之理歸私第以待命可也乃止已延進屯湖州

市

在今杭城北

復令呂文煥及范文虎等慰諭太皇太后

文煥因入內上表謝而出

畧曰茲銜北命來抗南師視以大馬報以仇讐非曰

子弟攻其父母不已延令張惠阿嘯罕董文炳張弘
得已也尚何言哉

範索都等封府庫收史館禮寺圖書及百司符印告
勅罷官府及侍衛軍尋復索宮女內侍及諸樂官宮
女赴水死者以百數

以賈餘慶為右丞相兼樞密使

是年正月餘慶已同簽書樞密院事劉岳

同簽書樞密院事與吳堅謝堂家鉉翁並充祈請使如
元謝堂逃歸

餘慶兇狡殘忍岳狎邪小人皆乘時竊美官謂使畢

即歸由是罷遣文天祥所部勤王兵堂納賂于北而遁

元人以文天祥北去天祥尋自鎮江亡入真州遂浮海如温州

巴延嘗引天祥與吳堅等同坐天祥面斥賈餘慶責國且責巴延失信呂文煥從旁諭解之天祥并斥文煥及其姪師孟父子兄弟受國厚恩不能以死報國乃合族為逆尚何言文煥等慚恚巴延遂拘天祥隨

祈請使北行至鎮江天祥與其客杜濬

字貴卿
號從子

等十

二人夜亡入真州苗再成出迎喜且泣曰兩淮兵足

以興復特二閫小隙不能合從耳天祥問計將安出

再成曰今先約淮西兵趨建康彼必悉力以扞我西

兵指揮淮東諸將以通泰兵攻灣頭以高郵寶應淮

安兵攻揚子橋以揚兵攻瓜步吾以舟師直擣鎮江

同日大舉灣頭揚子橋皆沿江脆兵且日夜望我師

之至攻之即下合攻瓜步之三面我自江中一面薄

之雖有智者不能為之謀矣瓜步既舉以淮東兵入京口淮西兵入金陵要其歸路其大帥可坐致也天祥大稱善即以書遺李庭芝遣使四出約結初天祥未至真時揚有逸卒言元密遣一丞相入真州說降矣庭芝信之以為天祥來說降也使再成亟殺之再成不忍紹天祥出相城壘以制司文示之閉之門外久之復遣二路分覘天祥果說降者即殺之二路分與天祥語見其忠義亦不忍殺以兵二十人道之如

揚四鼓抵城下聞候門者談制置司下令備文丞相甚急衆相顧吐舌天祥乃東入海道遇元兵伏環堵中得免然饑莫能起從樵者乞得餘糲羹行入板橋元兵又至衆走伏叢篠中兵入索之執杜潁金應以去潁應以所懷金與卒得逸二樵者以蕢荷天祥至高郵遂由通州汎海如溫以求二王

浙江潮三日不至

時元兵分駐江沙上杭人方幸之潮汐竟三日不至

元巴延使范文虎追益王廣王不及執楊鎮還臨安二王遂走温州

巴延自二王自嘉會門出渡浙江而南遣范文虎將兵追之楊鎮得報即還曰吾將就死于彼以緩追兵楊亮節等遂負二王及楊淑妃徒步匿山中七日統制張全以兵數十人追及遂同走温州

夏貴以淮西叛降元知鎮巢軍

唐巢縣地宋置鎮巢軍今仍為縣屬廬州府

洪福死之

阿珠屯淮南東道其西道屬之萬戶昂吉爾

張披人姓葉普

爾努氏始為西夏將舊作昂吉兒葉普爾努舊作野蒲今改

俾駐和州進攻廬州

夏貴以書抵巴延曰願毋費國力攻奪邊城若行都

歸附邊城馬往至是舉所部納款于元元以貴為淮

西安撫使有洪福者貴家僮也從貴積勞知鎮巢軍

貴既北降招福不聽使其從子往福斬之元兵攻城

久不拔貴至城下好語語福請單騎入城福信之門

發而伏兵起執福父子屠城中貴蒞殺福子大源大

淵謨曰法止誅首謀何乃舉家為戮福叱曰以一命報宋朝何至告人求活邪次及福福大罵數貴不忠請身南向死以明不背國聞者流涕

三月元巴延入臨安以帝及皇太后全氏福王與芮等北去宋亡

巴延自湖州市入城建大將旗鼓率左右翼萬戶巡城觀潮于浙江又登獅子峯

在今錢塘縣天竺西南風篁嶺之北觀臨

安形勝部分諸將特福王亦自紹興至巴延深慰之

太皇太后及帝欲與相見已延固辭曰未入朝無相見之禮明日發臨安塔哈等入宮宣詔免牽羊繫頸之禮趣帝及太后入覲太后泣謂帝曰荷天子聖慈活汝宜拜謝禮畢帝與太后肩輿出宮太皇太后以疾留內與芮及沂王乃猷度宗母隆國夫人黃氏并楊鎮謝堂高應松廢僚劉褒然三學生等皆行太學生徐應鑣

字巨翁衛州江山人

與其二男一女同赴井死

御批歷代通鑑輯覽卷九十四